

张家斌

月牙庵

雾绕云遮隐隐山，苍松翠竹伴人闲。
玉兔不知何处去，只留仙境月牙庵。

姜圣涓

白玉兰

万树知寒不敞怀，斗霜战雪玉兰开。
银蝶纷落枝头上，青帝催招碧叶来。

黄芝龙

一萼红·石笋峰

细端详。有超然一柱，拔地立斜阳。
石笋嶙峋，风云淡荡，孤傲来自洪荒。翠
藤绕、虬松小庙，野卉绽、迎客暗生香。曲
径如梯，轻霜似露，枯叶流黄。 隐秘
穷陋千载，恋巴山蜀水，曾共炎凉。莫问
前因，休伤往事，犹刻岁月沧桑。但赢得、
骚人联想，渐笑语、容我漫轻狂。欲唤冰
封雪飘，好览冬装。

郭振春

水 珠

海中滴入水一珠，随浪逐波叹起浮。
奋起拼搏心不已，海枯石烂不含糊。

李伟锋

沙尘暴

黄天漫漫蔽尘沙，半幻飞龙半幻蛇。
昨夜魔拳摧碧树，今宵巨口噬娇花。

入门户户关窗扇，行道人人遮面纱。
历劫应知环保重，齐倡绿化护吾家！

吾 新

竹

潇洒多情绰约姿，纷披密叶秀离离。
此君夏日炎当午，爽意清凉伴下棋。

吴本和

赏东坡赤壁石雕月梅

顽石雕成铁骨枝，人生物态两相痴。
何时摘下天边月，却为东坡配好诗。

万盛春

山 泉

横琴山涧里，水拨自然弦。
天籁悠扬曲，时时奏向前。

欧阳满生

兔年咏兔

娇态花容百媚生，聪明伶俐兽中精。
身藏三窟避狼犬，耳警八方防鹞鹰。
丽影常遭宠猫妒，轻功更让狡狐抨。
从来不食窝边草，与世无争祈太平。

兔年怜兔

力小不如鸡，鼠蛇都可欺。
鸱鸢崖顶伏，狼犬窟边窥。
弱肉遭强食，穷途获死追。
纵然升月去，寒苦胜庵尼。